

NAPLAN na papiru – informacije za roditelje i staratelje

Bosnian

NAPLAN
NATIONAL ASSESSMENT PROGRAM
Literacy and Numeracy

2018

Zašto učenici rade NAPLAN testove?

Nacionalni program za ocjenjivanje pismenosti i numeričkog znanja (National Assessment Program – Literacy and Numeracy) skraćeno NAPLAN, ocjenjuje poznavanje pismenosti i numeričkog znanja što je od suštinskog značaja za napredak u školi i u životu za svako dijete.

Učenici 3., 5., 7. i 9. razreda učestvuju u godišnjim NAPLAN testovima iz čitanja, pisanja, jezičnih konvencija (pravopisa, gramatike i interpunkcije) i numeričkog znanja.

Ovi testovi pružaju roditeljima i školama saznanje o tome kako pojedini učenici obavljaju svoje zadatke u vrijeme testiranja. NAPLAN testovi su jedan vid procesa školskog ocjenjivanja i izvještavanja; oni ne zamjenjuju stalno ocjenjivanje rada svakog učenika od strane nastavnika.

NAPLAN testovi također pružaju školama, nadležnim obrazovnim institucijama i vladama informacije o tome kakav učinak imaju obrazovni programi i da li mladi Australci postižu važne obrazovne ishode iz pismenosti i numeričkog znanja.

Šta će se testirati?

NAPLAN ocjenjuje poznavanje pismenosti i numeričkog znanja koje učenici stiču u okviru programa redovnog školovanja. Sva državna i nedržavna obrazovna tijela doprinijela su u izradi materijala za NAPLAN.

Da biste imali predodžbu o tome kako izgledaju testovi, pogledajte primjere pitanja na nap.edu.au/naplanexample

Kako mogu pomoći svom djetetu da se pripremi za NAPLAN?

Pomozite djetetu da se pripremi za NAPLAN tako da ga uvjerite da su ovi testovi samo dio školskog programa i podsjetite ga taj dan da jednostavno uradi onako kako najbolje zna. Nastavnici će se pobrinuti da učenici budu upoznati s vrstama pitanja na testovima i pružice im odgovarajuću podršku i uputstva.

ACARA ne preporučuje korištenje usluga za dodatno podučavanje kao ni prekomjerne pripreme. NAPLAN nema ulogu ocjene prolaznosti ili neuspjeha, nego procjene napredovanja u učenju.

Učešće u NAPLAN-u

Očekuje se da će svi učenici 3., 5., 7. i 9. razreda učestvovati i godišnjim NAPLAN testovima.

Učenici sa invaliditetom mogu imati pravo na prilagođavanja koja su odraz podrške koja se inače pruža u razredu kod ocjenjivanja. Ako je moguće, trebali biste o bilo kakvim potrebama prilagođavanja za vaše dijete najprije porazgovarati s djetetovim nastavnikom. Formalno izuzeće može se odobriti učeniku sa znatnim intelektualnim invaliditetom, i/ili ozbiljnim višestrukim poteškoćama, ili za učenika koji je nedavno došao u Australiju i iz zemlje je u kojoj se ne govori engleski jezik.

Direktor škole i lokalno tijelo nadležno za testiranje može vam dati više informacija o prilagođavanju za osobe s invaliditetom ili procesu za dobivanje službenog oslobođanja od testiranja.

Da li će moje dijete raditi NAPLAN testove na papiru ili online?

Vaše dijete će raditi NAPLAN testove na papiru 2018. godine.

Međutim, djeca u nekim drugim školama u Australiji će možda ove godine raditi NAPLAN testove online. Savezni, državni i teritorijalni ministri obrazovanja su se složili da će NAPLAN testiranje preći na online test u naredne dvije do tri godine. Državna i teritorijalna tijela nadležna za obrazovanje odredit će kada će njihove škole preći na online testiranje.

Obzirom da se učenicima postavljaju pitanja kojim se testira isti opseg težine, bez obzira da li rade test online ili na papiru, rezultati za oba formata će biti prijavljeni na istoj skali NAPLAN procjene.

Ako želite više saznati o NAPLAN Online, posjetite nap.edu.au/online-assessment

Šta ako je moje dijete odsutno iz škole u dane kada se obavlja testiranje?

Ako je moguće, škole će organizovati da se za pojedinačne učenike koji su bili odsutni za vrijeme testa obavi propušteno testiranje tokom te iste sedmice testiranja. Pojedinačni učenici nemaju pravo raditi ovaj test nakon petka, 18. maja 2018.

Raspored NAPLAN testova 2018.

	Utorak 15. maj	Srijeda 16. maj	Četvrtak 17. maj
3. razred	jezične konvencije 40 minuta pisanje 40 minuta	čitanje 45 minuta	numerička znanja 45 minuta
5. razred	jezične konvencije 40 minuta pisanje 40 minuta	čitanje 50 minuta	numerička znanja 50 minuta
7. razred	jezične konvencije 45 minuta pisanje 40 minuta	čitanje 65 minuta	numerička znanja 60 minuta
9. razred	jezične konvencije 45 minuta pisanje 40 minuta	čitanje 65 minuta	numerička znanja 60 minuta

Kako se mjeri postignuti rezultat mog djeteta?

Postignuti uspjeh pojedinačnog učenika prikazan je na skali postignutog uspjeha na nacionalnom nivou. Rezultat na minimalnom nacionalnom standardu ukazuje da je učenik pokazao osnovno znanje iz pismenosti i numeričkih znanja koje je potrebno da može u potpunosti učestvovati na nivou tog razreda. Postignuti uspjeh pojedinih učenika može se uporediti s prosječnim postignutim uspjehom svih učenika u Australiji.

Izveštaj o NAPLAN rezultatima izdaje škola kasnije tokom godine. Ako ne dobijete izvještaj, kontaktirajte školu.

Kako se koriste rezultati NAPLAN testa?

- Učenici i roditelji mogu koristiti pojedinačne rezultate da s nastavnicima razgovaraju o djetetovom napretku.
- Nastavnici koriste ove rezultate da bi bolje mogli utvrditi kojim učenicima je potreban veći izazov ili dodatna pomoć.
- Škole koriste rezultate da utvrde prednosti i nedostatke nastavnih programa i da postave ciljeve u učenju pismenosti i numeričkih znanja.
- Školski sistemi koriste rezultate da bi izvršili reviziju programa i pomoći koja se nudi školama.
- Prosječni rezultati škole u NAPLAN testu mogu se vidjeti na myschool.edu.au

Gdje mogu dobiti više informacija?

Za više informacija o NAPLAN-u:

- kontaktirajte školu svog djeteta
- obratite se lokalnom tijelu za provođenje testa na nap.edu.au/TAA
- posjetite nap.edu.au

Za informacije o tome kako ACARA rukuje osobnim podacima za NAPLAN, posjetite nap.edu.au/naplanprivacy